

quis se defunctum munere suo putet, si otiosus in Ecclesia desideat, intelligat quoniam precepto divino mandat...

Hæc eadem de Pastorum residentia & officiis iisdem fere verbis præscripta fuerunt in Concilio Tridentino...

Statutum III. Ut fides populus ad suscipienda Sacramenta majori cum fide, reverentia, & devotione accedat...

Desumptum est istud statutum ex Concilio Tridentino sess. 24. cap. 7. de reform.

Statutum VI. Quoniam fere sit, ut cuius vita improbat, doctrina facile despiciatur: si publicum scandalum de aliquo parochialis Ecclesie Rectore...

4. Præter statuta hujus Synodi numero viginti, publicata sunt ejusdem acta novemdecim Congregationibus comprehensa: inter quas notanda sunt...

natum consilio, exauctoraverat, amplexusque per urbem schedulis anathemate damnatum significaverat, expectabatque Regis pro substituto eodem nomine nominationem.

5. Congreg. XIII. propositum fuit de interdicendis choreis: At illustrissimo Cardinali Remensi visum fuit non esse prohibendas, quia pudicitia minus sit periculi...

CONCILIIUM CAMERACENSE

Anni 1565.

Itati superiore anno ad Remensem Concilium Cameracenses Patres, eoque accedere indignum judicantes, ex quo per Pauli Papæ IV. decretum...

- Tit. V. Cap. IV. Pastores non ferant quemquam in suis Ecclesiis concionari sine mandato Ordinarii. Tit. VII. Cap. V. Rejctus ab Ordinario si Superiorem adeat, ut negatum beneficium ejus auctoritate obtineat...

Superior illud beneficium nulla ratione illi conferat, nisi cognitis prius rejectionis causis. Et si idonea fuerint, cur rejici deberit, omnino non conferat.

2. Cap. VI. Quotquot habent curata beneficia unita suis Ecclesiis, ut Capitula, & Abbates, non prius committant Pastores iisdem beneficiis curatis, quam presentanti Ordinario fuerint, & accepti ab eo, quoniam populus ejus cure commendatus est...

Hoc jam pridem fuerat ab Urbano Papa III. constitutum c. 1. de Capell. Monach. In Ecclesiis (inquit) ubi Monachi habitant, populus per Monachum non regatur: sed Capellanus, qui populum regat, ab Episcopo per consensum Monachorum instituitur...

Cap. VIII. Curati adminicularios Sacerdotes non recipient ad ministerium Sacramentorum & reliqua munera quacumque mercede, nisi Episcopo oblati, acceptique ab eo & probati fuerint, & ejus concessionis litteras habeant.

Tit. VIII. Cap. I. Quantum probri & incommodi ebrietas afferat, cum omnibus Ordinibus recipiunt, tum Clero maxime, res ipsa docet. Atque cum ob rem ebriosum hominem navigio jactato sine ullo gubernaculo Salomon comparat...

Tit. XVIII. Cap. XIII. Porro Moxiales studeant quam accuratissime, quas de consensu Episcopi, aut Superioris visitatoris, juxta Tridentini Concilii decretum, educandas & formandas susceperint...

Tit. XX. Cap. III. Docetur præterea populus, Imaginibus cultum nullum debere aut propter materiam, aut propter eleganciam, aut propter pretium operis, aut propter quidvis aliud, quod sit in artificio, aut imaginis substantia...

Cap. IV. Præterea admoneatur populus, imperita plebis causa maxime posita esse Imagines, ut illarum affectu docti & moniti parvorum animorum, & pietatem in Christo conservemus...

Cap. V. Miracula nulla locum aut auctoritatem habeant sine judicio Ecclesie per Episcopum declarato: ne prestigie demonum, aut imposture improborum hominum pro certis verisque miraculis ad contumeliam nominis divini habeantur.

Titulo sequenti, de novis & ignotis Reliquiis non admittendis, nisi quemadmodum de miraculis novis jam dixerat, post accuratum examen & approbationem Ordinarii, adhibito sapientissimo consilio decernitur...

4. Tit. XXII. qui est de Indulgentiis, concluduntur hujus Cameracensis Concilii decreta, quemadmodum Tridentini; quod postquam anathemate ferit eos, qui negant Ecclesie concessam a Christo potestatem indulgentiarum...

disciplina enervetur. Et præterea presenti decreto generaliter statuit, pravos quæstus omnes pro his consequendis, unde plurima in Christiano populo abusu causa fluxit, omnino abolendos esse.

CONCILIIUM MEDIOLANENSE I.

Sub Sancto Carolo Borromæo Cardinali Archiepiscopo, 1565.

Sanctissimus hic Præsul Pii IV. Pontificis Maximi ex sorore nepos, magna sollicitudine & prudentia sacrosanctum Tridentinum Concilium diu intermissum instaurari & perfici curavit...

Ejusdem Mediolanensis Synodi part. 2. tit. 6. Qui parochialem Ecclesiam non obtinent, etiam regulares fuerint, confessiones ne audiant, quemadmodum statutum Tridentina Synodus...

2. Ibidem Mediolanenses Patres necessario prorsus monito præmuniunt quoscumque confessarios: Caveant confessores, ne ante debitam satisfactionem illos absolvant, quibus cum facultas ad sit aliena restituendi, vel legata, que ad pias causas facta sunt, persolvendi...

Concilium Romanum anni 1078. sub Gregorio Papa VII. can. 5. sic edicit: Falsas penitentias dicimus, que non secundum auctoritatem Sanctorum Patrum pro qualitate criminum imponuntur. Ideoque quicumque miles, vel negotiator, vel alicui officio deditus, quod sine peccato exerceri non possit...